



Broj: 12/08-23-5777-6/20
Zenica, 08.06.2020. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-5777-6/20, od 04.06.2020. godine, u postupku javne nabavke po konkurentskom zahtjevu za usluge stručno-tehničkog nadzora na izvođenju radova „Nastavak radova na izgradnji GGM-a u sastavu regionalne ceste R445”, broj: 1417-7-2-18-3-12/20 od 27.04.2020. godine, ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U postupku javne nabavke po konkurentskom zahtjevu za usluge stručno-tehničkog nadzora na izvođenju radova „Nastavak radova na izgradnji GGM-a u sastavu regionalne ceste R445”, broj: 1417-7-2-18-3-12/20 od 27.04.2020. godine, ponuda ponuđača „PPG“ d.o.o. Sarajevo (broj: 590/20 od 18.05.2020. godine) sa ukupno ponuđenom cijenom od 14.742,00 KM (bez uračunatog PDV-a) izabrana je kao najpovoljnija.

II

Ponuđač „PPG“ d.o.o. Sarajevo (ID broj: 4201723120004), adresa Bulevar Meše Selimovića 81a, Sarajevo, je u ponudi dostavio i dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 2.3 tenderske dokumentacije.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Okvirni sporazum sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

III

Ponuda ponuđača „Radis“ d.o.o. Istočno Sarajevo, te ponuda Grupe ponuđača koju čine „GEOS“ d.o.o. Zenica i „EDI-ING“ d.o.o. Donji Vakuf, te ponuda Grupe ponuđača koju čine „CELAB“ d.o.o. Sarajevo i „AIK-INZENJERING“ d.o.o. Banovići se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), odbacuju jer nisu potpune i ne ispunjavaju zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-5777/20 od 20.04.2020. godine. Javna nabavka provedena je po konkurentskom zahtjevu za usluge u skladu sa članovima 87-89. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-7-2-18-3-12/20 objavljeno je na Portalu javnih nabavki 27.04.2020. godine.

Komisija za javne nabavke imenovana rješenjem broj: 12/08-23-5777-3/20 od 18.05.2020. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristiglo je ukupno 5 (pet) ponuda.

U periodu od 19.05.2020. godine do 01.06.2020. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda ponuđača "RADIS" d.o.o. Istočno Sarajevo se odbacuje jer nije dostavljena u skladu sa uslovima iz tenderske dokumentacije.

Tačkom 2.9. b) Tenderske dokumentacije određeno je da "u pogledu obrazovne i profesionalne kvalifikacije osoblja ponuđači trebaju imati zaposlene u radnom odnosu ili da mogu obezbijediti angažovanje stručnih kapaciteta tako da nadzorni tim odgovoran za realizaciju ugovora čine kvalificirana lica i to:

1. Voditelj nadzornog tima, dipl.ing.građ. sa 5 godina iskustva u obavljanju usluga nadzora nad izvođenjem radova na izgradnji, rekonstrukciji ili sanaciji javnih cesta, i sa položenim stručnim ispitom;

2. Nadzorni inženjer: dipl.inž.građ. sa 5 godina iskustva i sa položenim stručnim ispitom".

Također, tačkom 2.9.1. b) Tenderske dokumentacije određeno je da u svrhu dokazivanja tehničke i profesionalne sposobnosti "Za kadrove iz tačke 2.9.b) tenderske dokumentacije, potrebno je dostaviti Izjavu o angažovanom tehničkom osoblju, odnosno da ima zaposlena lica ili da može obezbijediti angažovanje diplomiranih inženjera sklapanjem poslovnih ugovora sa pravnim ili fizičkim licima registrovanim za poslove projektovanja i/ili građenja – diplomiranog građevinskog inženjera građevinarstva sa položenim stručnim ispitom i pet (5) godina radnog iskustva, te dostaviti kopiju diplome o završenom fakultetu i kopiju uvjerenja o položenom stručnom ispitu, za pomenute pozicije Voditelja nadzornog tima i Nadzornog inženjera".

U ponudi ponuđača "RADIS" d.o.o. Istočno Sarajevo ponuđač je dostavio Izjavu o angažovanom tehničkom osoblju u kojoj nema navoda o radnom iskustvu osoba koje je predložio za voditelja nadzornog tima i nadzornog inženjera, niti ima priloženih dokaza, potvrda ili uvjerenja kojima bi dokazao da osobe navedene za ove pozicije ispunjavaju uslove iz tačke 2.9.b) Tenderske dokumentacije u smislu 5 godina iskustva.

Zbog navedenog ponuda ponuđača "RADIS" d.o.o. Istočno Sarajevo se u skladu sa članom 68. Zakona o javnim nabavkama ("Službeni glasnik BiH, broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda Grupe ponuđača koju čine preduzeća "GEOS" d.o.o. Zenica i "EDI-ING" d.o.o. Donji Vakuf se odbacuje jer nije dostavljena u skladu sa uslovima iz tenderske dokumentacije.

Tačkom 2.9. Tenderske dokumentacije propisano je da ponuđači u smislu dokazivanja tehničke i profesionalne sposobnosti, trebaju ispuniti minimalne uslove: u vidu „uspješnog iskustva u realizaciji najmanje 1 (jednog) ugovora minimalne vrijednosti od 15.000,00 KM u posljednje 3 (tri) godine (računajući od datuma predaje ponude) ili od datuma registracije, odnosno početka poslovanja, ako je ponuđač registriran, odnosno počeo s radom prije manje od tri (3) godine, iz oblasti stručno-tehničkog nadzora nad izvođenjem radova izgradnje, rekonstrukcije ili sanacije javnih cesta“, a tačkom 2.9.1.a) Tenderske dokumentacije je propisano da se ocjena tehničke i profesionalne sposobnosti ponuđača vrši na osnovu:

a) Spisak izvršenih ugovora u skladu sa zahtjevima iz tačke 2.9. tenderske dokumentacije, a koji su realizovani, u prethodne tri godine (računajući od datuma predaje ponude). Spisak mora sadržavati naziv i sjedište ugovornih strana, predmet ugovora, vrijednost ugovora, godinu ugovora.

Uz spisak izvršenih ugovora ponuđači su obavezni dostaviti najmanje jednu potvrdu naručioca o uspješno izvršenim uslugama iz ugovora minimalne vrijednosti od 15.000,00 KM. Potvrde minimalno moraju sadržavati: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim uslugama iz ugovora. Potvrde se dostavljaju u originalu ili ovjerenoj kopiji".

Grupa ponuđača koju čine preduzeća "GEOS" d.o.o. Zenica i "EDI-ING" d.o.o. Donji Vakuf je u svojoj ponudi dostavila spisak izvršenih ugovora i slijedeće potvrde:

- Potvrda, broj: 05-28-224/18-5 od 17.01.2019. godine, izdata od strane Ministarstva prostornog uređenja, građenja, zaštite okoliša, povratka i stambenih poslova SBK u kojoj je navedeno da je sa „EDI-ING“ doo Donji Vakuf sklopljen ugovor broj 05-28-224/2018-4 dana 07.08.2018. godine za projekat „vršenje nadzora na infrastrukturnim projektima onove i povratka u općinama SBK/KSB iz sredstava proračuna za 2018. godinu u iznosu od 6.973,20 KM sa PDV-om sa rokom završetka do 31.12.2018. godine, te navodi da su radovi prema sklopljenom ugovoru izvršeni kvalitetno i u predviđenom roku.

- Potvrda, broj: 06-14-225/2018-6 od 17.01.2019. godine, izdata od strane Ministarstva prostornog uređenja, građenja, zaštite okoliša, povratka i stambenih poslova SBK u kojoj je navedeno da je preduzeće „EDI-ING“ doo Donji Vakuf za ovo Ministarstvo u 2018. uspješno, kvalitetno i ugovorenom roku realiziralo, tj. Izvršilo nadzor nad projektima u skladu sa pravilima struke a za projekt naziva „Vršenje nadzora na infrastrukturnim projektima zaštite okoliša u općinama KSB/SBK“ po ugovoru broj: 06-14-225/2018-5 od 07.08.2018. godine, vrijednost ugovora 7.020,00 KM.

- Potvrda o uspješnoj realizaciji ugovora, broj: 07-01-36-153/18 od 30.05.2018. godine, izdata od strane Općine Travnik, a u kojoj je navedeno da je preduzeće „EDI-ING“ doo Donji Vakuf u svojstvu nadzora uspješno realizovala ugovore:

1) Vršenje stručnog nadzora nad izvođenjem radova asfaltiranja i sanacije 34 putna pravca na području općine Travnik – broj ugovora 01-23-9-367/16 od 23.6.2016. godine. Vrijednost ugovora iznosi 1.521,00 KM sa PDV-om. Ugovor realizovan 21.12.2017. godine;

2) Vršenje stručnog nadzora nad izvođenjem radova asfaltiranja i sanacije 34 putna pravca na području općine Travnik – u skladu sa aneksom povećanja obima radova, a kao i dostavljenoj usaglašenoj ponudi - broj ugovora 01-23-9-367/16 od 23.6.2016. godine. Vrijednost ugovora iznosi 819,00 KM sa PDV-om. Ugovor realizovan 21.12.2017. godine;

- Potvrda o izvršenim ugovorima, broj 06-14-sl/17 od 20.02.2017. godine, izdata od strane Ministarstva prostornog uređenja, građenja, zaštite okoliša, povratka i stambenih poslova SBK u kojoj je navedeno da je preduzeće „EDI-ING“ doo Donji Vakuf za ovo Ministarstvo u 2016. godini kvalitetno i u ugovorenom roku realiziralo navedeni projekt vršenja stručnog nadzora za slijedeće ugovore:

1. Broj ugovora: 06-14-69/2016-4 od 04.04.2016. godine, vrijednost ugovora sa PDV-om: 14.426,10 KM;

2. Broj ugovora: 05-28-241/2016-10 od 15.09.2016. godine, vrijednost ugovora sa PDV-om: 5.978,70 KM

3. Broj ugovora: 06-14-247/2016-9 od 15.09.2016. godine, vrijednost ugovora sa PDV-om: 8.903,70 KM

4. Broj ugovora: 06-14-429/2016-9 od 29.11.2016. godine, vrijednost ugovora sa PDV-om: 6.318,00 KM;

Dakle, niti jedan od nabrojanih ugovora na priloženim potvrdama ne ispunjava dati uslov u pogledu minimalne vrijednosti od 15.000,00 KM.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda Grupe ponuđača koju čine preduzeća “GEOS” d.o.o. Zenica i “EDI-ING” d.o.o. Donji Vakuf se odbacuje, jer nije potpuna i ne ispunjava zahtjeve iz tenderske dokumentacije.

Ponuda Grupe ponuđača koju čine preduzeća “CELAB” d.o.o. Sarajevo i “AIK-INŽENJERING” d.o.o. Banovići se odbacuje jer nije dostavljena u skladu sa uslovima iz tenderske dokumentacije.

Tačkom 11.1. Tenderske dokumentacije propisano je da „Ponuđači su dužni uz ponudu dostaviti ovjerene i potpisane Nacrte Okvirnog sporazuma i Ugovora“.

U ponudi Grupe ponuđača koju čine preduzeća “CELAB” d.o.o. Sarajevo i “AIK-INŽENJERING” d.o.o. Banovići dostavljen je potpisan i ovjeren Nacrt Okvirnog sporazuma, ali nije dostavljen potpisan i ovjeren Nacrt Ugovora koji je svim ponuđačima uz konkurentski zahtjev uploadovan u sistem „e-Nabavke” dostavljen kao Aneks 6 Tenderske dokumentacije.

Također, Tačkom 4.2. Tenderske dokumentacije propisano je da „Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke“.

U ponudi Grupe ponuđača koju čine preduzeća “CELAB” d.o.o. Sarajevo i “AIK-INŽENJERING” d.o.o. Banovići, numeracija stranica od 23. do 29. je ispravljena na način da su brojevi stranica brisani korektorom i upisivani novi brojevi, bez potpisa ponuđača i navođenja datuma ispravke, dakle suprotno od zahtjeva iz Tačke 4.4. Tenderske dokumentacije.

Imajući u vidu navedeno, kao i odredbe člana 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14), ponuda Grupe ponuđača koju čine preduzeća “CELAB” d.o.o. Sarajevo i “AIK-INŽENJERING” d.o.o. Banovići se odbacuje, jer nije potpuna i ne ispunjava zahtjeve iz tenderske dokumentacije.

Ponuda ponuđača „ARTING BH“ d.o.o. Sarajevo i ponuda ponuđača „PPG“ d.o.o. Sarajevo, ispunjavaju postavljene uslove, te je za 04.06.2020. godine zakazano provođenje e-aukcije, sa početkom u 11:00 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rbr	Ponuđač	Ukupna cijena ponude bez PDV-a
1.	„PPG“ d.o.o. Sarajevo	14.742,00
2.	„ARTING BH“ d.o.o. Sarajevo	17.058,61

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „PPG“ d.o.o. Sarajevo.

Ugovorni organ prihvatio je preporuku Komisije za javne nabavke da se najpovoljnijem ponuđaču, „PPG“ d.o.o. Sarajevo, dodijeli Okvirni sporazum za usluge stručno-tehničkog nadzora na izvođenju radova „Nastavak radova na izgradnji GGM-a u sastavu regionalne ceste R445“.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda
- Izvještaj o toku i završetku e-aukcije

Dostavljeno:

5 x svim ponuđačima,
1 x a/a



Obradio:

Elmedin Bašić